

T 5237,58/1310

60

3

HARVARD COLLEGE LIBRARY
FROM THE
HARVARD-YENCHING
INSTITUTE
MAR 1 1932

御選元詩卷第六十六目錄

五言絕句二

宋元七首

洪希文二首

秦景容一首

郭君彥二首

林鍾一首

周景行一首

王金一首

吳益一首

錄林一首



御選元詩卷第六十六目錄

五言絕句二首

宋无七首

洪希文二首

秦景容一首

郭君彥二首

林鍾一首

周景行一首

王奎一首

吳荃一首

繆仲林一首



林傳一首

宇文公諒二首

成廷珪二首

李孝光五首

貢師泰五首

盧琦一首

朱德潤五首

吳炳二首

趙雍一首

鄭元祐四首

屠性四首

陳高七首

龍從雲一首

王冕二首

郭翼二十五首

鎰渙四首

魯貞一首

吳鎮十六首

黃鎮成二首

陳柏一首

李存二首

張師曾一首

何景福一首

潘純一首

吳克恭一首

曹知白一首

余寅八首

韓友直一首

趙覲一首

韓璧六首

余闕二首

汪澤民一首

陳有定一首

王翰一首

李昶一首

張憲一首

楊維禎十首

錢惟善二首

張昱九首

王逢一首

顧瑛六首

倪瓚二首

郊韶四首

姚文奐二首

呂誠五首

周砥四首

張簡二首

陸友一首

張遜一首

顧敬一首

陸仁一首

沈右三首

邾經一首

舒頔一首

華幼武一首

葉顥五首

郭鈺三首

劉永之六首

貢性之七首

王宥一首

丁鶴年六首

吉雅謨丁一首

沈中一首

陸顥一首

徐恒二首

金信一首

御選元詩 卷三
張志純二首

馬臻九首

薛元曦一首

張雨五首

于立三首

方從義一首

英四首

宗衍二首

善住六首

大訢三首

如砥一首

寶月一首

元本一首

善學一首

大圭五首

智圓一首

張節婦劉氏一首

蕙蘭五首

魏國夫人管氏

王嬌紅一首

鄭氏允端六首

劉侍史一首

御選元詩卷第六十六
無名氏二首

申淑一首

崔灤一首

賤園夫人一首

蕙蘭一首

戴明教一首

善學一首

大圭一首

善學一首

天本一首

寶氏一首

御選元詩卷第六十六知事以不事民怪小窗前

五言絕句二首

世土宋无鳥人間豈會外故吟天此關未盡入魯家

牆頭杏花

紅杏西鄰樹過牆無數花相煩問春色端的屬誰家

風波長不定浪跡在天涯莫怨身輕薄前生是柳花

心寄羲皇上生逢晉宋時風流千古意只有杜鵑知

日日臨蘇堤望夫夫未回無韻春水別於遊似似來

漢苑花何處唐陵柏已空相逢大堤柳令我憶蘇公

御選元詩卷第六十六宋无洪希文

商人婦

日日湖頭望望夫夫未回無情春水恨祇送別船來
琵琶

一片相思木聲含古塞秋琵琶是誰製長撥別離愁
燕

銜得香泥去花間日午時玉人方睡起莫訝卷簾遲
洪希文

書畫扇

世上無名鳥人間絕色花始知天地闊未盡入唐家
夜坐偶書

燈晦客無寐牀空夜不眠淒涼心下事月到小窗前

秦景容

王喬崗

突兀高千丈仙踪雲氣孤攀援無石磴何處覓雙鳧

郭君彥

閒居春晚

深巷絕行人一鳥鳴高樹不知春色深花落夜來雨
秋郊

路穿黃葉林馬嘶秋色裏白鳥何處來飛下野塘水
林鍾

題馬待詔山居小景圖

水抱雲根淨林含雨氣涼征鴻飛杳渺秋思滿瀟湘

周景行

題墨竹圖

秋夜涼如水蒼竿戛擊清噴泉珠錯落帶月弄寒聲

王奎

鳳山

秋風吹竹實朝陽照梧樹定有吹簫人來此山中住

吳荃

墨竹

倚杖看明月停杯唱竹枝美人期不至對景立多時

繆仲林

客夜

城頭燈影寒鴉陣聲悲咽東歸一葉舟夜泊松江雪

林傳

長廊巖

虛櫺開脩廊回風走落葉夜月照無眠披衣來步月

宇文公諒

題小米戲墨卷

山氣鬱龍從流雲漲林谷乞我茆三間讀書貧亦足

李題仲穆看雲圖

橫杖坐松下看雲起遙岑惟應陶靖節會得此時心

成廷珪

澹香亭

幽芳不自媚白日淨依依風露已如此山中人未歸
和饒介之春夜

酒量尚一斗鬢絲餘幾莖辛夷開欲罷何日問歸程
李孝光

題倪元鎮紈扇

野水見落日幽人殊未還白雲滿洲渚搔首問青天

題松雪竹石

幽篁碧悄悄白石白粼粼帝子吹笙罷月明愁殺人

子昂畫

汀洲木葉下斜日倚湘娥我欲采芳草洞庭秋水多

倪氏雨竹

落日楚江深鷓鴣啼遠林相思不可見池上寫春陰

飛來峰

山似琅玕小地將秦望雄越王歌舞處長作梵王宮

貢師泰

蘇子瞻畫像

老龍起深夜來聽洞簫聲酒盡客亦醉滿江空月明

龍虎山十詠 錄四首

金雞山

巨靈劈山石飛出黃金雞至今山下人猶聽雲中啼

象山

載寶出西域獻琛自南溟仙人一叱之化作青峻嶒

龍井

寶劍落深潭時時見光怪鱗甲飛上天白晝風雨快

雲臺山

天星二十八下作漢廷將功成歸帝傍精彩射石上

盧琦

縣齋閒坐偶成

庭樹雪初晴雙雙鳴鵲聲六花消未盡猶照葉心明

朱德潤

晚春即事

柳絮覺春歸輕盈著處飛東風好收拾莫遣墜征衣
誰道林鶯老金衣薄更新春來復春去老却聽鶯人

柳絲縵十丈蘸水綠條鮮何事江邊客相過不繫船

秋江

堤邊古木風江上飛鴻影秋江待渡人立到前山暝

過西山

黃塵飛白日黑雨洗青山水靜漁舟渡林深倦鳥還

吳炳

山中畫

山人寄聲至酒熟期共酌呼童抱鳴琴起赴林下約
引杖深溪流今朝添幾許定是岫中雲去作山頭雨

趙雍

即事

獨坐對明月遙遙千古情西風兩三日庭樹已秋聲

鄭元祐

朱澤民山水

吹簫江浦秋舟蕩碧雲幽擬遡巖松下詩盟訂白鷗

岳生畫竹

脩篁含雨餘枝拂清風起埽破碧玲瓏高堂淨如洗

雲林小景

雲起野橋西層峰翠隔溪欲尋清閼閣古木亞簷低

王元章梅

明月西湖上清光儼舊時東風露消息香雪滿南枝

屠性

讀竹桃

仙子吹笙處碧桃花正開花邊有竹實留待鳳歸來

竹菊

曾向山中住黃花爛漫栽主人緣愛竹三逕不教開

竹棠梨

石畔竹扶疎棠梨結子初坐來山雨過濕翠欲沾裾

竹梅

美人湘浦去翠袖倚琅玕橫笛吹霜曉遙知不耐寒

陳高

送興童都事還京美人供不來凡思蘇蘇漫

日照離筵酒風吹去客舟不如東海水相送到神州

題畫

茅舍雪初消幽窗夜方靜美人期不來月照梅花影
愁來生白髮問爾復何愁應被春光惱多情雪滿頭

題子昂折枝竹

帝子啼痕濕湘江暮雨寒絕憐樵采後留得一枝看

絕句

地濕泉流礎庭虛石卧雲井闌行小蟻蛛網挂飛蚊
雲合虹腰斷風回雨脚斜淺灘屯宿鷺高樹競棲鴉

紅葉

片片染秋霜枝枝映夕陽縱饒紅勝錦只是惱愁腸

龍從雲

題破窗風雨圖

雨歇荒雞叫山空木葉堆玉堂雲霧景多向此中來

王冕

紅梅

深院春無限香風吹綠漪玉妃清夢醒花雨落臙脂

題曹雲西山水

旭日耀蒼巘翠嵐生嫩寒幽人詩夢醒清響得松湍

郭翼

杏花鵝

溪上好鵝賓相呼雪一羣柳根春水煖來泛杏花雲

絕句

山根秋水落江樹與船清遮莫歸來晚東頭月未生

和李長吉馬詩

駉驥連錢動金鞍鏤玉羈無人尋穆滿借與閭風騎
肉礪錦纏髻流雲汗似紅太平無戰伐驂驪走沙蓬
龍性非凡質騰波出紫雲檀溪飛過日應識漢將軍
綉霞橫虎脊珠汗抹龍章落日青葱嶺霜高草色黃
龍印留宮字霜花剥暗毛長鳴愁顧影祇憶九方臯
霞口鏤衢鞍霜蹄削玉寒曉看經邏些暮已驀樓蘭
瘦骨如山立臨流飲渴虹誰憐中道棄首宿老秋風
出河冰在鬣昂首動驚飈伯樂不再活誰復扼金鑣
神駿知無匹驍騰絕域來流沙一文雪夜拂白龍堆

天子飛黃馬牽來賜近臣玉階新雨過風滾落花塵
內厩玉花驄班班歎肉駿奚官新浴罷沙苑踏春風
佛郎通上國萬里進龍媒曉日開閭闔虹光射玉臺
天馬誰能馭和鸞駕紫微年年清暑去霹靂逐龍飛
大奴司虎苑驃騎牧龍廷不擬歌秦鐵重看賦魯駟
駉牝三千匹雲屯十二閑六飛當御駕喜色見龍顏
霧漲蒼龍鬣風鳴紫玉珂駿羣空冀北天象動滎河
踣鐵超雲影拳毛散玉花相將馳鳳苑寧復困鹽車
元宗愛舞馬錦色看如雲離宮三十六樂動半天聞
赤驃何神駿應憐識者希賢才生並世騰踏看追飛
莫言淹宅棧也會蹋麒麟逐電疑無影如龍自有神

煌煌金絡腦，裊裊紫游韉。看花不畏晚，相逐過橫塘。
秦皇七匹馬，追風箇箇輕。不聞東海北，采藥上蓬瀛。
驥子大宛種，房星夜降精。漢家求不得，兵壓貳師城。

銜渙

初夏即事

野色滿庭戶，晝涼清景佳。一雙白練帶，飛上石榴花。

偶成

雪色西蕃馬，臨流顧影嘶。似嫌金絡重，蹴碎落花泥。
舞女花前過，輕如小燕飛。教坊新結束，翠羽織春衣。

春日漫興

莫道梨花瘦，楊花更可憐。隨風消雨恨，總在客窗前。

魯貞

題塔山

天低雲有影，日午塔無陰。極目三秋望，登高萬里心。

吳鎮

陳賢良隱居

發策名猶在，回頭事已非。池塘春草綠，空憶謝公歸。

露竹

晴霏光煜煜，皎日影瞳瞳。為問東華塵，何如北窗風。

題畫

老楓化為人，老杉化為石。莊周與胡蝶，後來誰復易。

寫菜

印選元詩

魯貞 吳鎮

菜葉闌干長花開黃金細直須齧到根方識澹中味

畫竹

霏霏桃李花競向春前開何如此君子四時清風來
亭亭月下陰挺挺霜中節寂寂空山深不改四時葉
野色入高秋寒影逝湘水日午思晚涼清風為誰起
竹窗思闌寂銅博香委曲胸中無用書寫作湘之綠
逕深茅屋陋樹倚夕陽斜行遍青山路何丘不可家
抱節元無心凌雲如有意置之空山中凜此君子志
忽見不是畫近聽疑有聲落落不對俗娟娟長自清
湘妃祠下竹葉葉著秋聲鸞鳳清宵下吹簫坐月明
短梢塵不染密葉影低垂忽起推篷看瀟湘過雨時

碧篠挺奇節空霏散冷露十年青山遊得此幽貞趣
片片落花心悠悠飛絮意清風明月中此風不可企
日日行青山無竹不可留可憐春風中桃李多春愁

黃鎮成

西窗晝雨

三春驚過半霽雨灑窗西鵲腦添爐炷春鳩隔樹啼

美人不夕泛 對雨一登對 詞半 結案 竹 飲 不 輪 焚

秋淨山如拭江清一棹橫挂帆延暮眺跌坐待潮生

陳柏

與茅山李道士同宿石門

山空萬籟沈論語對青燈君本無心侶吾真有髮僧

李存

周伯清秋江曬網圖

曬網夕陽斜攜壺入荻花平生誤識字恨不作漁家

懷友

美人不可見煙雨一登樓隔岸誰家竹娟娟不解愁

三春張師曾

留山中

倚澗惜魚逝升丘送鴻歸遙林暮色至漠漠上人衣

何景福

水石為陳太初賦

石潤非經雨林空豈借秋詩成清不禁髣髴到滄洲

潘純

題顧周道畫濯足圖

脫履白石上濯足清泉中悠然天際想木末生微風

吳克恭

蝶

失意穿羅袖綠情戀繡牀妒遺衣上粉狂覓酒邊香

曹知白

秋林亭子圖為月屋先生作

天風起長林萬影弄秋色幽人期不來空庭倚蘿薜

余寅

靜安八詠

赤烏碑

仙苑羣居庶豐碑紀赤烏三分遺故國千載祝浮屠

陳檜

海波浮玉殿寶網拂珊瑚座上來聽法龍精即老夫

鰕子禪

老禪不解事眉目鬚莖稀曹溪一滴水鰕子作龍飛

講經臺

飛花掃香雪古臺生白雲娑羅雙樹下人去寂無聞

滄瀆壘

我過素崧宅重尋滄瀆津英雄千載下遺壘大江濱

湧泉

躑突回江脉跳珠薄梵纓勿令牛口涎我耳與俱清

蘆子渡

風冷花飛雪秋清水到門醉眠船不繫江月淨無痕

綠雲洞

華蓋結空綠洞門生晝寒網緼浮玉氣石上有琅玕

韓友直

題仲穆看雲圖

結屋山中住尋幽曳杖行獨來松樹下坐看白雲生

趙覲

題雲林六君子圖

天風起雲林衆樹動秋色仙人招不來空山倚晴碧

天風韓璧

靜安八詠 錄六首

赤烏碑

斷碣餘蒼蘚高文記赤烏浦深春水闊天遠野雲孤

陳檜

重元古吳刹雙檜尚陳時悵惘臨春樹秋風一夜衰

鰕子禪

神僧茲遁迹妙理自幽探鰕子升雲漢天花落寶龕

蓮葉石臺古貫花金字封座空人已去護法有天龍

蘆子渡

明月滿汀雪西風兩岸秋棹歌江上發思與老禪遊

綠雲洞

竹雨曉蒼霽松風陰碧圓道人禪定處神在蔚藍天

余闕

題合魯易之鄞江送別圖

欲去更還顧依依戀所知今朝去京日似子渡江時

題溪樓

溪水綠悠悠高樓在溪上日暮望江南舟中采菱唱

汪澤民

金陵別友

煙草六朝夢鶯花三月游秦淮風雨夜楚客別離愁

御選元言
陳有定

卷之三 陳有定 王翰 李祁

送趙將軍

縱橫薄海內不愴別離難
幾載飄零意秋風一劍寒
王翰

晚宿楊隄舟中懷魯客

螢度星依草鷗來霜滿汀
故人不可見天際亂山青

李祁

題畫鷹

勁翮排霜戟天寒氣轉驕
草間狐兔盡側目望青霄

張憲

畫扇

渴龍飲清江江水皆倒立
風雨滿山來石楠半身濕

楊維楨

嬉春體四絕

燕子衝簾過胡蜂採蜜歸
折花香露濕不惜繡羅衣
水暖鴛鴦渡風寒燕子樓
桃根與桃葉都在曲江頭
月過薔薇架雕鞍未到家
小娃猶帶酒攔路奪人花
花氣不成雨鶯聲都是春
戎裝飛上馬疑是漢宮人

月梅

天上清虛府人間香影家
吳剛斫桂斧只合種梅花

雨竹

倚石添新筍爭妍箇箇添
佳人聽春雨笑隔水晶簾

御選元言

卷之三

張憲

楊維楨

錢惟善

七

詠石榴花

密幄千重碧疎巾一撻紅花時隨早晚不必嫁春風

秋雁圖

野水江湖遠秋風蘆葉黃南飛舊兄弟一一自成行

湖上感事

湖水碧于天湖雲薄似煙鴛鴦不驚亂飛過岳墳前海嶠浮西日關梁轉北風蘇郎書未返愁絕雁來紅

錢惟善

題子昂疎竹遠山圖

玉立湘江闊東風不自持巫山何處是春雨掃蛾眉

偶成

苔花洗春雨藉此聽潺湲終日無客至滿樓都是山

張昱

水殿納涼圖

別殿紅綃女無風亦自涼闌邊是湖水夜夜宿鴛鴦

七夕

乞與人間巧全憑此夜秋如何鍼線月容易下西樓

別劉博士

祇爲情如雨從教醉似泥免看楊柳色相送出城西

峽川

石與青天近浮雲向客低自然堪下淚不是有猿啼

題揚州左史臣畫扇

后土祠前路金鞍憶舊遊春風雙燕子渾似在揚州

鄰牆梅花

臘後春纔到寒香襲素袍梅花如有意不在粉牆高

別故人

未別欲千言臨別無一語惟此舊時心隨君渡江去

白頭翁

疎蔓短於蓬卑棲怯晚風祗緣頭白早無處入芳叢

題宋子障太守畫

老樹含青雨平林澹白煙隔溪茅屋在好泊米家船

王逢

萱圖為李恒題于茂清軒中

暄風宜男花涼日忘憂草一種兩含情親容夢中老

顧瑛

虎丘十詠

錄六首

觸石起膚寸悠然散千頃我來坐東軒妙趣心獨領

小吳軒

雪沒羣山盡天垂落日縣馮虛俯城郭隱見一絲煙

五臺山

海湧如來室清涼即五臺春風山頂雪飛度雁門來

生公臺

生公聚白石塵拂天花墜可憐塵中人不解點頭意

致爽閣

高閣對西山飛嵐落几間開襟致秋爽心與白雲閒
陸羽井

雪霽春泉碧苔侵石甃青如何陸鴻漸不入品茶經
倪瓚

二月廿二日潘子素王叔明來慰藉臨別為寫

水傍樹林圖并題

積雨開新霽汀洲生綠蕒臨流望遠岫歸思忽如雲

竹石圖

雨過黃陵廟風生渭水波當時卸帆處苔石倚喬柯

鄭韶

題胡廷暉畫

仙館空青裏春船罨畫中鷗波千丈雪漁笛一絲風

題元鎮畫

斷靄生春樹微茫隔遠汀梁谿新月上照見惠山青
高江新水生微月流雲度美人胡不知相思隔春樹

秋林才子

殘照下西嶺微雲翳輕陰蹇驢行落葉歸思在秋林

姚文奐

茅山

山雲護芝田山雨清茵閣中有學仙人吹簫待鸞鶴

鳳去吳仲圭折枝竹

御選元言 卷之三
鳳去梁王宅苔荒習氏池阿誰春雨裏見得翠蛾眉

呂誠

雜詩

三月江南渡行春屬晚晴留連花下
開船收雨色新水達春江鷓鴣元無侶
睢鳩自一雙
青天歸燕喜密樹坐鶯深落日春愁裏
懷人浩蕩心
城門蹋青草城下楊華度荒壠無耕人
三月輸官賦
近江喬木裏強半棣華栽葉覆青青
蔓相沿別樹開

周砥

絕句

朝朝感霜露昔昔夢鄉關何以慰親念
空悲行路難

東城三百里南雁一封書整待今晨發
秋風吹敝廬
失身紅塵裏世路轉愁深不汲寒泉井
何由清我心
朝露塗野草顏色暫輝光不知秋節去
朝露變為霜

張簡

和楊鐵崖小臨海

雨過積金頂夫容萬朶青神魚不飛去
風伏翠濤腥
憶坐松根石相看說大還昆侖雲一朶
喚作九華山

陸友

題米元暉畫山水

翳翳雲中樹亭亭江上山秋風生柁尾
蕩漾碧波間

張遜

聽雪齋分韻得花字

夜宴玉山家春風舞雪斜佳人歌白苧零亂落梅花

顧敬

題馬遠雪景圖

雪埋門徑失壓樹白差差知已年來少無人訪戴逵

陸仁

柳塘春

晴雪散河堤春雲晚復迷鯉魚跳藻葉燕子拂蘭蕙

沈右

中酒雜詩

中酒如卧病天寒露為霜東軒候朝旭曝背屢移牀

太丘海岱士肆情丘壑間考槃詩賦罷采菊對南山

歲閨寒酒薄風迴水自生杖藜隨小步極目大江橫

莫煥 邾經

題映雪圖

夜雪明書几寒風入緼袍如何燒鳳蠟只解醉羊羔

大山 舒頤

拈句三春日雜言十日留宿當安眠共為干葦並

石煖苔衣軟谿春荇帶長化工無限意袖手立斜陽

華幼武

次韻題畫

海石涵秋水風篁生晚涼孤篷初歇雨和月度瀟湘

印選元詩

卷之三

沈右

邾經

舒頤

華幼武

葉顥

疎齋晚步

睡足白雲窩行吟青草坡夕輝流月屐空翠濕煙蓑
 遊三洞金盆諸峰絕句無別意
 徘徊三洞天拚作十日留何當約安期共為千載遊
 大山巖而尊小山婉而秀往來兩山間巖霏濕吟袖
 犬吠人家近鳥啼春晝晴澗草有幽色野花無定名

莫愁煙艇

莫愁江上艇月夜扣舷歌甚欲尋遺迹江空煙浪多

郭鈺

題分宜縣橋

雲從溪北生雨過溪南響溪上蓑笠翁倚闌看水長

紅雨長茶芽東風吹柳花行人今日到先自補窗紗

貢吳姬別思

霜月五更殘如何去又還誤簪釵鳳小落在枕屏間

劉永之

來時青寫墨竹二枝并題與章子愚

落日洞庭西曾聞唱竹枝十年江海別風雨謾相思

題墨竹

新雨收金玦輕風轉玉環截筒為九寸吹向武夷山

寄彭聲之

新蓮已屢摘君子意何如憶在湖西舍花間獨釣魚

題綠野春陰圖

野色連青靄春流澹碧沍靡蕪隨處綠離思滿南雲

秋日同友人泛舟

來把青竹竿學釣水中魚經年消息斷疑有故人書

子昂竹石

古硯麝煤香書傳雨漏牆高齋對松雪隨意寫瀟湘

貢性之

墨菊

醉折東籬朶看如隔暮煙莫驚顏色改不是義熙年

題畫白頭雙鳥

笑殺錦鴛鴦浮沉浴大江不如枝上鳥頭白也成雙

題畫萬里圖

石瀨清冰合黃山白戰塵道人禁得冷扶醉過溪橋

雀

野雀振雙翰卑枝立自閒莫愁風力緊絕勝紇干山

荆棘半低垂幽禽祗自悲可憐棲不穩不似上林時

題畫

樓倚溪頭水溪環竹外山扁舟垂釣者相對白鷗閒

畫梅

月下獨吟時寒香暗襲衣直疑春信早胡蝶作團飛

王宥

題雲林竹圖

堂上娟娟竹脩然悟澹遊南風時隱几不復夢洋州

丁鶴年

題天柱山圖

拔翠五雲中擎天不計功誰能凌絕頂看取日升東

畫蟬

飲露身何潔吟風韻更長斜陽千萬樹無處避螳螂

題江亭柳色圖

有懷故人 劉庸道

昔年釀酒地江漢一茅亭同會人何在東風柳又青

長江萬里圖

將歸武昌自賦

長江千萬里何處是儂鄉忽見晴川樹依稀認漢陽

長嘯還江國遲回別海鄉春潮如有意相送過潯陽

題落花芳草白頭翁

草長連朝雨花殘一夜風青春留不住啼殺白頭翁

東山吉雅謨丁

題畫竹為董文中賦

雨過蛟龍起風生翡翠寒但存清白在日日是平安

沈中

題馬遠雪景圖

暮雲天一色飛雪滿江干野艇歸來晚推篷不厭看

陸顥

倪迂著色山水小景

萬壑爭妍處重泉鬪響時石梁無過客孤與白雲期

徐恒

暮雲天贈畫師朱叔重 下程城鶴來如對壑不厭香

落筆山雨至夜樓生遠思風流朱叔重不似虎頭癡

倚柁寫秋色曹娥江上頭樹聲連塞雁天影落沙鷗

雨斷金信 賦風土詩 卒寒 山 日 長 平 安

東山

東山秋色淨處處樵歌起涼風早催霜落葉下如雨

草牙張志純 秋 爽 一 齊 風 香 春 留 不 封 卻 歸 白 鹿 齋

桃花

流水來天洞人間一脈通桃源知不遠浮出落花紅

空山曹泰山喜雨 登 閣 對 今 夕 焚 郎 泉 即 日 秦 鼎 象

岱宗天下秀霖雨遍人間高卧今何在東山似此山

馬臻

山高白客夜不寐偶成短句十首用渭北春天樹江東

日暮雲為韻 錄五首

丈夫慎出處功成乃身退古人夫如何八十釣清渭

縞素製野服誤染京華塵舊業在何處梅花江上春

吟苦不成寐寒窗凝夜釭千古誰知心遙遙賈長江

此身如斷蓬飄蕭隨北風錢塘一望地家住西湖東

客慮千萬端長吁愁不出誰能事低眉揮盃送白日

題畫卷

翠壘鴻濛色雲凝淡沲春高寒不可到應有採芝人
雜詠

幽芳泣露質好鳥啁春聲盡向東風裏悲歡各有情
榮貴如風花安得長美好馮唐不解事却恨髮白早
涼露老荷葉蓮房亦已空可憐紅蓼花搖搖受西風
薛元曦

題雲林子南村隱居圖

山高白石秀竹密綠陰濃窗映風光埽溪流月影重
張雨

空山嘈夜雨幽人坐惆悵今夕楚澗泉明日秦淮浪

奚官洗馬圖

曾侍赤墀東天池看浴龍晚涼湖上夢猶立柳陰中

鶴臺

靜夜颯靈風神君語帳中至今雙白鵠時下五雲峰

王若水梨花山鵲

山鵲語查查驚飛白雪花清明人載酒寒食客思家

芍藥白兔圖

妥帖紅雲朶迷離玉兔兒揚州行樂地惆悵鬢成絲

于立

題墨竹

種竹滿山阿蕭蕭風雨多會當成翠實鳴鳳一來過

題管夫人竹與玉山同賦

煙空湘月明露落湘波冷翛然林下風吹折琅玕影

響牒廊

山中老禪寂同坐說吳王時有風前葉錚然下牒廊

方從義

山行 仿小米雲山圖

石路絕經過山雲自來去欲共麋鹿羣當在幽深處

英

絕句

正月梅花落二月桃花紅榮枯元有數不必怨東風

山中景

六月山深處松風冷襲衣遙知城市裏撲面火塵飛

山中

一聲山鳥啼幽夢忽喚醒起來開竹扉日上中峯頂

窗前瀑布寒林外夕陽薄清風何處來撲撲松花落

宗衍

題小畫

秋高山氣佳木落江水靜意固不在魚魚驚釣絲影

題懸崖蘭圖

居高貴能下值險在自持此石或可轉此根終不移

善住

送人還山 白雲歸處石苔封 翠林霜滿水

偶隨流水出間趁白雲歸步石苔侵屐攀松露滴衣

春興

冉冉春將暮悠悠日欲殘東風特地惡不道杏花寒

西齋秋夜

晚雨過江城西齋秋氣清夢回孤枕上無處不蟲聲

秋夕

孤館燈初暗虛窗月正明寒衣猶未補風遞擣砧聲

早行

拂曙駕柔櫓溪山行幾重雲昏不見寺依約但聞鐘

雨後

小園春雨後碧草弄輕寒花片無煩埽新泥尚未乾

期石室不至

期石室不至

風水不可期知君定來否何處唱歌聲月明大谿口

紅樹宜秋晚澄江媚落暉扁舟如喚我莫待白頭歸

畫牛

草暖犢子肥牧閒牛耳濕誰知荷蓑翁風雨租稅急

如砥

題小米墨戲

寒雲何黯淡老樹更婆娑寂寞山村外柴門掩薜蘿

寶月

寶月

御選元詩 卷之三 善學 大圭
題界溪顧處士竹逸亭

竹色團蒼翠溪光凝碧流
微君頭半白於此獨夷猶

元本

題梅花道人墨菜圖

茅屋淞江東春深多白菘
披圖成一笑清味野人同

善學

書木葉寄友

述我山居事寫葉頻寄與
意匪外葉間情還出葉底

大圭

桐下井不至

曉風吹銀牀蕭蕭古桐樹
時有新汲人併攜落花去

題江晚

長天鳥飛盡兩岸蘆花發
何處一舟來清江上秋月

小山春五峰山

一尋五峰老孤塔在雲端
鐵策已古色石房空晝寒

龜峯絕頂

危石青入雲上有千歲木
我來卧其間天風響巖谷

憶梅山隱者

夢入青山去獨尋雲侶遊
依稀攜手處月出石門秋

智圓

竹深翁拜徵命奉贈

花邊停去馬柳外聽啼鶯
曉渡丹陽郭春游建業城

張節婦劉氏

賦庭柏

羣卉枯落時挺節成孤秀既保歲寒心不在遐年壽

蕙蘭

綠窗詩

燈前催曉妝把酒向高堂但願梅花月年年映壽觴
采閣閉朝寒妝成擬問安忽聞春雪下喚婢卷簾看
粲粲梅花樹盈盈似玉人甘心對冰雪不愛艷陽春
小小春羅扇團團秋月生蟠桃花樹裏繡得董雙成
自拂雙眉黛何曾慣得愁若教如翠柳便恐不禁秋

魏國夫人管氏

無奉中宮命題所畫梅

雪後瓊枝嫩霜中玉蕊寒前邨留不得移入月宮看

王嬌紅立線

寄申生

雲重月難見風狂雨不成尺書從寄意傾淚若為情

鄭氏允端

秦季干戈起中原幾變遷誰知避世者自有一山川

我亦斯人徒偶然櫻世網撫卷發深思何當共長往

並石疎花瘦臨風細葉長靈均清夢遠遺佩滿沅湘
筠

竹林春雨過瘦筍迸苔長坐待成高節清標出短牆

本無塵土氣自在水雲鄉

楚楚淨如拭亭亭生妙香

梅

歲寒冰雪裏獨見一枝來不比凡桃李春風無數開

劉侍史

過陸丘縣

白露擁蒼石紅葉侵寒水騎馬下山來啼鳥忽驚起

無名氏

古木竹石圖

竹樹色依稀蒼蒼擁翠微枝頭應帶潤疑是泣湘妃

丹立竹圖

故人能寫竹標格似湖州靜對西窗下清風滿紙秋

申淑

歸鄉詩

畊田消白日採藥過青春有水有山處無榮無辱身

崔灑

雨荷

胡椒八百斛千古笑其愚如何綠玉斗終日量明珠

御選元詩卷第六十六愚以所錄王卡然日量甲耗

竹林春雨荷葉香

峯蓮

把田能白日耕藥豈青春育木育山與無榮無辱良

淵淵結

中球

始入指冥世懸林以臨世精捷西窗下帶風蕭然

長立於圖

古樹空外餘蒼蒼

無古木竹石圖

御選元詩卷第六十七目錄

七言絕句一首

耶律楚材五首

劉秉忠十三首

劉秉恕一首

郝經十首

楊奐四首

杜瑛一首

趙復一首

許衡三首

楊果二首

史天澤一首

伯顏一首

張弘範十二首

商挺二首

杏冶一首

王磐二首

王鶚一首

李昶一首

不忽木一首

劉因十七首

孟攀鱗一首

張礎一首

陳祐一首

申屠致遠一首

王暉二十九首

王旭三首

程鉅夫五首

張孔孫一首

宋衛二首

徒單公履一首

元淮十一首

郭昂一首

方回二十二首

負炎二首

賈竹一首

王鼎一首

戴表元九首

仇遠十二首

白斑七首

胡長孺一首

龔璠一首

袁易五首

章彬一首

趙時遠二首

陸鵬南一首

石巖一首

欽定

御送元詩卷三十七

〇七十一

但照原本字小字双行批白字

〇〇耶律

若只教目下字

〇〇〇過金

金山

御送元詩卷三十七

御選元詩卷第六十七

七言絕句一

耶律楚材

過金山和人韻

金山萬壑鬪聲清
山色空濛弄晚晴
我愛長天漢家月
照人依舊一輪明

過濟源登裴公亭用閒閒老人韻

山接晴霄水浸空
山光濼濼水溶溶
風迴一鏡揉藍淺
雨過千峰潑黛濃

掀髯坐語閒臨水
仰面徐行飽看山
竹裏忽聞春雪落
天教著我畫圖間

和薛伯通韻

黃華紅葉滿秋山月浸銀河夜未闌寂寞梧桐深院落
有人何處倚闌干

戲景賢 并序

景賢彈雉朝飛予作詩戲之蒙寵和有若有餘陰
乞一枝之句予再用前韻以拒之

過住行雲不敢飛一聲還噎一聲悲蠻兒深愜龍岡意
唱得香山楊柳枝

劉秉忠

有懷遂長老

雨過幽庭長綠苔東風時為掃塵埃無人曾見春來處

門外桃花只自開山杏殘寒未開艷思蕭蕭雪日如

山疊崔嵬水渺茫故人萬里未相忘飄零更惜天邊雁
獨駕秋風不入行

孤城寒角噎南樓黃葉關山過雁秋憶起滹沱相別處
一窗風雨夢西州

三月

背陰花木錦成叢幽谷鶯啼上苑中李白桃紅楊柳綠
天涯無處不春風

春曉

海棠微露濕胭脂楊柳輕風弄碧絲一片春光都是恨
佳人睡起倚樓時

雨過登樓

錦里春光曉望中雨餘花潤草蒙茸青山尚在浮煙裏
樓上分明見幾峰

小溪

小溪流水碧如油終日忘機羨白鷗兩岸桃花春色裏
可能容箇釣魚舟

溪上

蘆花遠映釣舟行漁笛時聞三兩聲一陣西風吹雨散
夕陽還在水邊明

清明後一日過懷來

居庸春色限燕臺山杏凝寒花未開驛馬蕭蕭雲日晚

一川風雨過懷來

無別後閒書

千里家山入寸眸碧天無際月橫鈎書成得得秋風夜
一線微鴻獨倚樓

征西回

春回三月過西州芳草青青不斷頭多少凍溪凝住水
盡隨歸客向東流

春始來

三月南州草木長落花飛絮滿池塘東君也惜天涯客
盡放春光過界牆

焚勝梅香

春風

劉秉忠

劉秉恕

郝經

三

御選元言 卷二十七
春風吹滅小檠釭夢斷鑪香結翠幢簷外杏花橫素月
恰如梅影在西窗

劉秉恕

白雲樓

旌旗嫋嫋入隨州江漲祥煙散復收黃耳不來家信遠
西風腸斷白雲樓

郝經

九日郭外

溪上蒼煙一道開誰家日夕採菱回片帆不舉波間過
無限好山波底來

帥正堂

秋渚芙蓉淡淡香新亭爽氣釀新涼晚風吹斷溪南雨
一片金煙挂夕陽

長蘆舟中遇風

海風栗栗刮鯨涎吹裂西南一半天暝色忽開隨酒散
浪花和月上船舷

燭花

江城深夜作輕寒金粟堆盤蠟炬殘應是燈花憐久客
故隨人意報平安

正月三日見月

小雪初晴卵色天虛庭搖曳動江煙忽聞歸雁驚回首
新月梅梢又一年

丁卯新館寒食無花

四圍擊柝鎖重扉春去春來總不知腸斷東城中酒後
春衫走馬拂花枝
陽和渾不到空齋深院無人長綠苔為報監門暫開鎖
少分春色入門來

館內幽懷

狂花野蔓滿疎籬恨殺絲瓜結子稀獨立無言解蛛網
放他蝴蝶一雙飛

儀真觀中雜題

心事悠悠逐去鴻夢魂渺渺入西風無邊木葉無窮恨
一夜秋容滿鏡中

持節江頭久食魚館人供雁意踟躕呼兒細看雲間足
恐有中原問訊書

楊奐

涿南見蠶婦本汴梁貴家

蠶月何曾出後堂干戈流落客他鄉羅衣著盡無人問
自把荆籃摘野桑

出郭作

燕姬歌處轉鶯喉燕酒春來滑似油自有五陵年少在
平明騎馬過蘆溝

答客

仕晚自知為學拙家貧人道治生疎滿山薇蕨春風老

昨夜鄰翁有報書

泛舟

燕子迎風掠水飛樓前楊柳綠依依十年不作南塘夢
怕見殘陽上客衣

杜瑛

征南口號

春早雲南麥已黃瀘江蒸霧不如湯馬蹄半帶陰山色
變作人間六月涼

趙復

覃懷春日

江南江北半浮生蹤跡居然水上萍竹雞啼罷山雨黑

蠶子生時桑柘青

許衡

宿卓水

寒缸挑盡火重生竹有清聲月自明一夜客窗眠不穩
却聽山犬吠柴荆

大暑登東城

三丈危城日暮登暑威殊不霽憑陵何時太華高峰上
細嚼松陰六月冰

風雨圖

南山已見霧昏昏便合潛身不出門直到半途風雨橫
倉惶何處覓前村

楊果

邨居

草堂有燕賀新成
沙渚無鷗續舊盟
滿徑落紅風掃靜
一渠春碧雨添平

春波澹澹卷寒漪
長日蕭蕭靜竹扉
邨舍蠶催桑葉大
山田鹿食麥苗稀

史天澤

巡歷太康

奉使孤城駐馬蹄
霜風獵獵戰旌旗
一鉤薄暮天邊月
照見禽荒舊地基

伯顏

軍迴過梅嶺留題

馬首經從庾嶺歸
王師到處悉平夷
擔頭不帶江南物
只插梅花一兩枝

張弘範

槐井

翠圍石甃雨苔青
影落寒泉墮月明
酒醒渴懷無處著
綠陰風送轆轤聲

遊春

閒逐東風送馬蹄
一鞭詩思曲江隄
行行貪詠梨花雪
却被桃花約帽低

墨竹

御選元言 卷五
麝墨芸香小玉叢淡煙橫月翠玲瓏小屏春鎖綠窗夢
也勝湖江煙雨中

新燕

海棠開後月黃昏王謝樓臺寂寂春柳外東風花外雨
香泥高壘畫堂新

青杏

落盡殘紅綠滿枝青青如豆釀酸時佳人摘得新嘗怯
一點春愁鎖畫眉

柳絮

東風帶殺柳梢頭吹去香棉得自由不到池塘成翠靨
顛狂飛入酒家樓

來惜天聞角

戎樓一曲老龍嘶霜滿秋空月影西客裏夢回聽不得
殘燈明滅伴人啼

商寒食後

家家鑽火露新煙花褪殘紅柳吐綿底是遊人腸斷處
杏桃影裏折鞦韆

燭淚

惜別終宵話不休煌煌燈燭照離愁蠟花本是無情物
特向人前也淚流

折鞦韆

畫柱青苔卧寂寥綵繩無計戀春嬌可憐明月梨花院

御選元言 卷三
閒殺春風第一宵

春信

庾嶺梅花噴雪香
灞橋煙柳弄鶯黃
故鄉望斷無消息
獨倚東風雁數行

柳省

睡起紗窗對曉
窗暫時初識
遠山尖多情
笑殺張京兆
應恐香螺浣玉纖

商挺

水仙花

海上三山壁月明
人間誰識許飛瓊
秋風吹上青鸞背
來散天香與素英

明月珠衣翡翠裳
冰肌玉骨自清涼
不隨王母瑤池去
來侍維摩病几傍

李冶

華野東瀟湘
夜雨五馬
遠寺孤舟
隨渺茫
雨聲一夜
滿瀟湘
黃陵渡口
風波暗
多少征人
說故鄉

王磐

百門泉

濟南七十二名泉
散處坡陀百里川
未似共城祠下水
千窩并出畫樓前

半空風雨山頭樹
十頃玻璃水底天
孤客南來無著處

相宜只有百門泉

下宮王鶚

盱眙山色勢巍然

淮泗波光接遠天
好景畫圖收不得
都將勝事付吟篇

李昶

寄王總管

華陽東下古梁州
五馬旌旗擁上游
腸斷寒江衣帶水
令人空望鎮南樓

不忽木

過贊皇五馬山泉

相彼山泉源本清
太平君子濯塵纓
泠泠似與遊人說
說盡今來古往情

劉因

抱陽南軒

下瞰懸崖老木稠
輕風毛髮散涼秋
蒼苔白石夢初覺
霽月疎雲山欲流

春景

病餘身世淡無情
但覺春來暖漸生
送客出門花已謝
問知昨日是清明

山家

馬蹄踏水亂明霞
醉袖迎風受落花
怪見溪童出門望

鶴聲先我到山家

溪上

坐久蒼苔如見侵
攜筇隨水就輕陰
松風自厭灘聲小
雲影旋移山色深

早秋

昨朝一葉見秋生
今日千巖萬壑清
欲借西風蘇病骨
暫來石上聽松聲

春盡

草閣垂簾晝掩扉
客來知我出門稀
鳥鳴淡與人相對
花落方知春已歸

庚辰元日

曾記西湖酒一卮
乾坤和氣入新詞
六年未盡冰霜怨

又到春風滿面時

乙亥所作詞有春風花柳消盡冰霜殘怨之句

下山

翠霞騰暈紫成堆
收盡雲煙酒一杯
想見浮嵐在睂宇
人人知道看山回

探春

道邊殘雪護頽牆
牆外柔絲露淺黃
春色雖微已堪惜
輕寒休近柳梢傍

睡起

晚醉城南不記回
虛簷高枕藉莓苔
酒醒涼意瀟瀟在
應是前山送雨來

山寺早起

松窗一夜遠潮生
斷送幽人睡失明
夢覺不知春已去
半簾紅雨落無聲

萬壽宮館舍

來時殘雪點征衣
落盡庭花尚未歸
夢裏不知身尚病
春衫歸路馬如飛

宿洪崖觀

雲山不受壯心降
無限西風撼客窗
應是夜深知月出
却收風雨入清江

雪嶺遇雨

天為西遊餉我晴
野花啼鳥效平生
今朝雪嶺初逢雨

應是郎山帶帽迎
土人諺云郎山帶帽十日無道

四衣被故園寒食
歸理人家親又排
到公堂入信簡

一坏新土寄餘哀
故老相邀信步來
行到水西邨盡處
桃花無數未全開

天淵潭聞角早興

人間無物比悠揚
誰道一聲隨夜長
餘哀到曉無尋處
吹作南湖十里霜

新居

雪擁閒門儘未除
小齋人道似禪居
年來日曆無多事
只有求方與借書

孟攀鱗

御選元詩 卷三十一
春浦帆歸圖

涵空水色碧於苔
照眼山光翠作堆
疑是桃花源上客
輕舟天外得春來

張礎

關山風雨圖

山氣凝寒雨不開
江濤拍岸雪成堆
漁翁慣識風波惡
天際孤舟已早迴

陳祐

琴臺書事

四郊麩麥接雲平
綠野人家曉又耕
怪得公堂人訟簡
閭閻原有讀書聲

申屠致遠

無絃琴

靜空有物即縈心
物象相忘趣轉深
為報柴桑陶處士
無絃爭似更無琴

王暉

梁園對月

兒時曾住汴梁城
二十年來重此行
一片鳳皇池上月
向人還似舊時明

春夜獨坐

讀書聲歇燭華殘
潤入琴絃覺夜寒
寂寞小窗雲影薄
隔簾梧葉雨聲乾

御選元詩

卷三十一

申屠致遠

王暉

三

同劉勸農彦和葛縣令祐之遊蒼谷口

四山遮盡外來風
山嶮人家不覺冬
獨立蒼崖重回首
山形渾似入居庸

九龍分部中天雨
何處癡蟠睡不開
一勺鳳皇臺下水
有時風雨洗天來

方山忽斷兩崖開
中有蒼河自北來
行出山門俱不見
玉龍翻作地中雷

地爐火在壁燈昏
睡覺山堂笑語溫
豆粥一盂官事了
緩搖吟轡出山門

遊棲巖寺

一徑縈紆入杳冥
望川亭迴夕陽明
欲知眼界寬多少

放出秦川似掌平

關山秋霽圖

望京樓上晚凭闌
長記居庸八月還
一段紫煙吟不盡

枉分秋色與南山

遊青蓮寺

上方曾閣倚晴煙
回合諸峰聳碧蓮
午枕不容詩夢就

天風吹雨下危巔

顯宗墨竹

離離香粉淡爭妍
莫作荒寒景趣看
絕似承華宮檻畔

春風和露濕闌干

春江獨釣圖

御選元言 卷三
渺渺春江碧若空一絲斜裊釣壇風富春莫擬幽棲穩
已在君王物色中

山行雜詩

太行元氣老洪濛草樹風前帶潤容山色只宜差遠看
近移空翠上高峰

西來遊宦半忙閒六日迢遙道路間回轉羊腸三百里
天教馬上飽看山

滕王蝶蟻圖二首

錄一首

粉香金翠夢能甜細寫春棕入筆尖却恐尋香飛便去
六宮爭下水晶簾

萬壽節同宋太常弘道出左掖門口號

禁漏穿花夜已央宮槐籠曉色蒼蒼殷勤一點東華日
先到紅鸞扇影光

隔夜端門分板位平明簪笏列鵷行紫雲低覆千官拜
潤入金鑪百和香

羯鼓聲高吹管清九天合作鳳鸞鳴侍儀贊喝三成後
磬折齊呼萬壽聲

花映巖廊近紫宸宮官行酒過三巡共攜滿袖香煙出
散作都城十日春
對品班分玉笋行一時望拜殿西廂百官燕出宮闈靜
疎雨濛濛濕建章

汴梁清明

連日風沙此日晴東君有意作清明垂鞭醉入宮城去
一片傷心畫不成

當年陸海駭珍藏此日繁華隨渺茫春草不隨人事換
依然分翠入宮牆

樓居春望圖

翠斂雙娥底事愁不緣春去落花稠歸鞍未得朝天信
望斷東風燕子樓

遊百家巖雜詩

月池懸溜落蒼崖巖竇分居可百家不羨碧瀾秋色好
倚天驚絕赤城霞

太一宮

庭樹蕭蕭綠滿廊日長深鎖碧窗涼隔簾遙見秋來處
一葉輕黃隋井牀

玉堂閒適圖

醉岸烏紗殿影東宮花低映酒波紅興來草罷長楊賦
獨占高槐灑晚風

潤州

望空北顧無雙寺行入西津第一州江影隔山搖素練
行雲和夢鎖朱樓

題錢舜舉畫梨花

掖西千樹鬧春華莫把芳容帶雨誇看取一枝橫絕處

洗妝還是漢宮娃

疎梅寒雀圖

長記扁舟過武夷仙家梅竹滿清溪山禽盡日憐幽致
爭揀寒枝趁晚棲

枯木寒鴉

枯樹寒梢凍欲冰野鴉翻影若為情錦鳩呼雨煙林外
紅杏香中過一生

王旭

南湖道中

漠漠煙中小艇回芙蓉花外有軒臺平湖一目三千頃
高卧南風看雨來

氣涵雲水草堂虛莎末風來午夢餘起逐鄰翁上船去
藕花深處看叔魚

三年夢不到江湖慚愧煙波舊釣徒今日扁舟復何日
卧聽風雨鬧黃蘆

程鉅夫

忽刺木御史還臺索詩二絕為別

錄一首

曾此觀風慣土風老榕能識舊花驄如何又踏秦淮月
不待炎州荔子紅

十一日浯畬登舟

江清照見石粼粼貌得遊魚態度真說與長年輕蕩槳
放他深處著潛鱗

喬達之畫江山秋晚圖

別來事事可名家獨我空添兩鬢華天際有山歸未得
遠峰休著淡雲遮

早行圖

萬山迴合路紆縈獨策羸驂款款行却憶麻源三谷裏
畫橋攜酒聽溪聲

趙大年小景

疋馬衝寒踏落花杏園深處曲江涯何如相對風軒坐
喚得漁船傍酒家

張孔孫

風雨迴舟圖
末風來千葉紛吹逐
殘餘土氣去

風雨來時撥棹迴濟川心事有誰知停舟且做江湖夢
浪靜風恬未是遲

宋衙

觀出獵圖

金鉗染血犬銜毛倒臂蒼鷹掣錦繡紅日下山秋塞闊
齊歌野樂陣雲高

平原馬首雁行齊狡兔深藏鳥不飛環立傳觴人半醉
斜欹貂帽雪中歸

徒單公履

春日雜詠

東風簾幕半塵埃歌舞臺空晝不開試問雙飛新燕子

御選元言 卷之七

今年社日為誰來

元淮

子規聲裏雨如煙潤逼紅綃透客羶映水黃梅多半老
鄰家蠶熟麥秋天

春詞

繡被春寒掩翠屏家常只繫石榴裙鮫綃誤落花磚上
旋向沈香火上薰

未午寢

鷲來踏碎亂紅翻盡日簾垂晝永閒午睡覺來香味遠
金猊猶有鷓鴣斑

南園新柳

萬縷依依帶嫩黃斜穿紅杏弄疎狂晝長舞得東風困
半倚鞦韆半拂牆

春閨

杏花零落燕泥香閒立東風看夕陽倒把鳳翹搔鬢影
一雙蝴蝶過東牆

寒食

城西爛漫拆桐花珠翠郊原散綺霞試問溧陽新燕子
今年寒食又無家

南圃杏花

燕脂萬點怯輕寒蓓蕾枝頭絳雪乾昨夜南園春雨過

御選元言 卷三十一

北望

公餘信步上譙樓雲淡天低萬里秋遙望神州煙靄裏
夕陽紅處是瓜州

秋閨

團扇初隨碧簟收畫簾歸燕尚遲留閒階弄影穿明月
笑捻流螢說早秋

天水鑑對月

昨夜新霜釀曉晴晚霞入海耀南閩可憐天際鄉關月
也到金函照旅人

南樓

向晚西風入翠微樓西一隙透斜暉寒蟬底事聲淒切
催得飛鴉打陣歸

郭昂

宜春贈別

微茫煙浪浦帆開一曲琵琶淚滿腮江水不如湘水好
送人東去復西來

方回

過湖口望廬山

江行初見雪中梅梅雨霏微棹始迴莫道無人肯相送
廬山猶自過湖來

春晚雜興

豈有邪溪父老錢無朝無暮在樽前櫻桃豌豆分兒女
草草春風又一年

溪魚山筍佐新筍大勝長安上酒樓春老猶寒宿醒困
醪醑花下擁綿裘

城市塵埃不見詩西村東塢可尋誰夏前十日嘗新麥
恰是江南最好時

芳草茸茸沒屨深清和天氣潤園林霏微小雨初晴處
暗數青梅立樹陰

王干三嶺

澄練平臯水屈盤青蒼松櫟擁峰巒霜晴村落全如畫
一見都忘上嶺難

村女

青荷葉傘茜裙紅隨母歸寧省外翁莫笑梳妝未京樣
兵餘猶見太平風

飲歸

澉灩紅深百盞澆醉歸不覺路迢迢臨分情味慙慙甚
暗遣人扶過畫橋

過長安市

算橘租菱小市譁堰頭橋尾約千家人家已盡無人處
時見芙蓉一岸花

過崇德縣

枯柳無風影不搖敗牆頽屋意蕭蕭忽然喚醒承平夢

御選元詩 卷二十七
猶有紅闌夾畫橋

曉發富陽縣

長山礮石片帆斜
小雨初晴日眩沙
回首遙看富陽縣
青煙低罩一叢花

江行大雨水漲

客路由來但喜晴
山深何況更舟行
孤篷酒醒三更雨
滴碎愁腸是此聲

舟行青溪道中入歙

夜寒如覺有猿吟
積翠重蒼萬壑深
下水輕舟弦脫箭
盤山細路線穿針
刺桐花發草如藍
欲卸綿袍翦紵衫
一夜春霜忽如雪

江南天氣不宜蠶

巖拳欲動茗抽芽
節近清明路近家
五日緩行三百里
夾溪隨處有桃花

春寒

燈節蕭條雷後雪
花天料峭雨餘霜
經旬不出無情緒
恰見鶯兒似酒黃

櫻桃花

淺淺花開料峭風
苦無妖色畫難工
十分不肯精神露
留與他時著子紅

桐花

悵惜年光怨子規
王孫見事一何遲
等閒春過三分二

憑仗桐花報與知
王孫具事一向難
惜硯中花

花擔移來錦繡叢
小窗餅水浸春風
朝來不忍輕磨墨
落硯香黏數點紅
苦無效色畫難工
十令不肯許

清湖春早

樓上春陰覆曉雲
一河天淨碧沄沄
雨宜不驟風宜細
閒倚闌干看水紋

三天竺道中

三天竺路漸平
登高似雷峯
塢幾層
山到無人行處好
松陰萬樹立孤僧

清明大雪三日

半月雕梁燕子歸
怯寒著盡舊綿衣
何人醉眼西湖路
錯認楊花作雪飛

負炎

隆德宮

林花細妥臙脂色
水荇輕淤翡翠泥
歌舞留連嫌晝短
樓臺縹緲覺天低

讌集東平湖亭

北海樽前人似玉
東原城下水如天
滿眼荷花三百頃
採蓮人語隔秋煙

賈竹

題天平谷六峰

六峰聳翠白雲間頓使幽人眼界寬
早晚隨師更深處杖挑明月一輪寒

王鼎

游林慮山

燕子來時春色賒海棠開盡未還家
醉眠不覺東風惡吹起布帆滿路花

戴表元

湖州

山從天目成羣出水傍太湖分港流
行遍江南清麗地人生只合住湖州

半日輒西興馬上

去時風雨客恹恹歸路霜晴水樹紅
一抹淡山天上下馬蹄新出浪花中

蝴蝶

春山處處客思家淡日邨煙酒旆斜
蝴蝶不知人事別繞牆閒弄紫藤花

夢中作

晴霞冠嶺朝紅潔新漲連空晚綠酣
惆悵春風倦遊夢木蘭亭上望淮南

題江干初雪圖

斷樹寒雲古岸隈漁翁初撥小船開
看渠風雪忙如許還有魚兒上釣來

御選元詩 卷之六
題趙大年蘆雁

寒更索索警霜叢兄弟當年意自同猶是江湖太平處
未妨沈著卧秋風

木蘭亭感舊歌者

牡丹紅豆艷春天檀板朱絲錦色牋頭白江南一樽酒
無人知是李龜年

熱畝園桃花寺石臺

臺前藤蘚碧交加臺下清流直又斜待得丹成知幾日
春風隨分野桃花

過姑蘇

水天彌望接青蕪雲氣漫漫近又無一色好風三百里

挂帆安坐過姑蘇

仇遠

題李成寒雅圖

老樹枯苔雪乍晴飢鳥飛集噤無聲蒺藜沙上花開早
且讓春風與燕鶯

題趙松雪迷禽竹石圖

錦石傾欹玉樹荒雪兒無語戀斜陽百年花鳥春風夢
不是錢塘是汴梁

題和靖先生觀梅圖無懷上人徵予作

癡童臞鶴冷相隨笑指南枝傍小溪到處一般香影色
孤山只在斷橋西

仙遊元言 卷三
趙子昂陳仲美合作水鳥小景

良工苦思可心降底事文禽不解雙欲採芳華波浪闊
芙蓉朶朶隔秋江

不長嶺岳山

岳姥峰高翠倚天洮湖春水綠無邊不知楊柳蒹葭外
何處泊君書畫船

且齋 閒居十詠

錄六首

鶯花韋曲舊時遊老去閒情已五休却笑東風無檢束
又隨飛絮過南樓
鳥雀喧啾未肯棲狂風吹樹影離披屋邊尚有斜陽在
更看山人一局棋

風挾濃雲起礮車捎窗雨脚亂如麻山中茅屋應安穩
不向溪聲送落花

新竹修修綠覆牆讀書門外亦陰涼道人清福不肯受
却入西山看夕陽

茶甌紗帽慣迎賓不是詩人即道人細雨斜風君莫出
綠雲門外有紅塵

珠簾玉柵綺羅叢猶有承平京洛風飲罷歸來遊騎少
一庭明月夜方中

泊桐鄉

雪晴霜樹勝春紅回首臨平杳靄中正是詩人棲穩處
青山明月滿歸篷

青山白珽

湖居雜興八首 錄七首

御舟初出賞春菲傳是諸王與后妃香霧漸深蓮幕暗
日斜惟見澹黃衣

脈脈吹香屋角梅背風移燭小簾開鳳城幾日元宵近
一片簫聲水上來

龍舟曉發斷橋西別有輕舟兩兩隨春色可人晴較穩
酒家爭出柳梢旗

相國平泉水竹居吳中花石世間無遊人馬上休回首
一半春風在裏湖

雨後林塘夏亦秋一葫蘆酒在船頭醉來深入荷花去

卧看青天飛白鷗

三賢猶得仰高風冠服雖殊氣味同後五百年無繼者
桃花含笑夕陽中

萬樹芙蓉兩蕊宮秋風開遍水邊叢白牆遮盡紅牆出
只見紅牆一半紅

胡長孺

題風雨漁舟圖

細柳新蒲春已滿飄風急雨亂如顛漁人若解忘魚意
繫却扁舟卧碧煙

龔璠

天平道中

鼓聲依約分魚市不負儂家白酒鮮
秔稻新秧及時插
芡衣清楚入梅天

表易

首夏村居雜興
穿徑幽篁破嫩苔
遶池漲綠潑新醅
鰲黃梢蝶驚還起
翠碧窺魚去復來

綠樹荆扉晚更幽
鱸魚菰菜近堪求
故人有興能尋我
但覓吳淞欲盡頭

湖上即事

浙東山色渡江青
眼底新詩向此成
天盡雲低看鶻落
日斜風細待潮生

題畫黃葵

憶昔戎葵花下飲
金杯春灑綠鬟歌
祇今花似金杯側
獨對西風詠折枝

陳仲淵別室

琴中流水瀾翻落
畫裏秋山雜沓開
更欲移牀傍修竹
卧看飢鶴啄莓苔

章彬

白鷗

草暖蘋香月上遲
白鷗黃雀往來時
雲山隔斷一千里
日日相過人不知

趙時遠

四景詩和孫僉判穎叔韻 錄二首

荻塘柳影

午天雲淡日遲遲
水面長修帶影垂
不是纖腰渾不定
自緣無力受風吹

禪院荷風

荷風細細晚生涼
暑氣氤氳入座香
飲盡碧筒人笑語
花邊驚起睡鴛鴦

陸鵬南

晚涼湖上

唳鶴灘頭水拍天
養魚池上月籠煙
眼前好景無人管
時有漁舟泊柳邊

石巖

題米元暉五湖圖卷

曉窗白髮戰西風
一笑青雲往事空
惟有南山是知己
相逢多在畫圖中

御選元詩卷第六十七

秋塘柳影

午天雲淡日遲遲水面長修帶影無不是纖腰浮不定
自緣無力受風吹

吟點示結卷第六十

荷風細細晚生涼暑氣氤氳入座香飲盡碧筒人笑語
花邊驚起鴛鴦鴦

臥遊多玩畫圖中

興窗白銀燭西風一笑青雲掛車空對首南山景味已
快鶴飛張米示聊五陸圖卷月籠煙眼前好景無人管
時有百歲泊柳邊

御選元詩卷第六十八目錄

七言絕句二首

貢子仁一首

范晞文一首

黃庚二十五首

尹廷高九首

劉邊一首

金履祥一首

李簡三一首

變元圃一首

傅定保一首

張夢應一首

甘泳一首

楊學文一首

吳澄四首

姚燧一首

李木魯翀一首

盧摯七首

李孟一首

陳孚二十四首

馮子振一首

高克恭五首

十八日錄

鮮于樞四首

周馳七首

張伯淳四首

陳思濟二首

王泰亨一首

黃棠一首

湯炳龍一首

馬昫一首

張謙一首

張栻一首

姚雲一首

呂起猷一首

繆鑑二首

安熙二首

于石九首

何失四首

蕭國寶一首

趙孟頫二十四首

趙孟頫一首

鄧文原九首

袁桷三十六首

滕斌三首

小雲石海涯七首

[Faded text, likely bleed-through from the reverse side]

御選元詩卷第六十八

七言絕句二

貢子仁

自題遠山

拱北樓頭晚眺晴
吳山相對列如屏
白雲天外孤飛處

認得茅峰一點青

范晞文

湖上詩

湖邊多少游湖者
半在斷橋煙雨間
盡逐東風看歌舞

幾人著眼到青山

黃庚

臉暈輕紅酒力微真妃半醉夜深時杜鵑叫落花梢月
獨倚東風睡不知

聞角

誰送寒聲入夢中遙知人在戍樓東明朝梅嶺花飛雪
未必都因昨夜風

新綠園林雨過時黃鸝無語恨春歸楊花怕逐東風去
搭住闌干不肯飛

江景

寒生雁背天將雪冷入魚腮水欲冰釣艇歸來江路暝

舟人分火點漁燈

暮春

東風庭院夕陽天恨綠愁紅又一年春自要歸花自落
莫將芳事怨啼鵑

一鳥不啼春寂寂百花都落雨濛濛十分花鳥東風恨
半在詩中半酒中

傷春

園林芳事已闌珊梅未生仁筍未竿隄上柳綿風脫盡
綠陰應在雨中寒

書館即事

煙拖野色入書窗一畝平田隔草塘暮雨初收新水滿

御選元言 卷三
藕花香雜稻花香

春寒

春寒料峭透窗紗
睡起晴蜂恰報衙
怪得曉來風力勁
滿階香雪落梨花

池荷

紅藕花多映碧闌
秋風纔起易彫殘
池塘一段榮枯事
都被沙鷗冷眼看

林高士隱居

家住西湖深更深
古松陰裏禮茅君
白猿攀樹藤花落
點破巖前一地雲

見雁有懷

滿眼西風憶故廬
親朋音問久相疎
年年江上無情雁
只帶秋來不帶書

春夢

銅匱艾納翠氤氳
六六屏山酒半醺
夢入中州看秦畫
春風吹亂玉梨雲

暮景

浮雲開合晚風輕
白鳥飛邊落照明
一曲彩虹橫界斷
南山雷雨北山晴

臨平泊舟

客舟繫纜柳陰傍
湖影侵篷夜氣涼
萬頃波光搖月碎
一天風露藕花香

一天風山中秋夜

石牀彈月鶴聽琴玉宇凝秋絕點塵萬里無雲銀漢淡
一天風露濕星辰

南山雷春閨

屏山夢斷整雲鬟金鴨吹香火未殘背倚闌干聽燕語
一簾風雨卷春寒

春風也秋吟

曉徑支筇步屨遲西風吹露濕秋衣舉頭凝望青山外
萬里江天一雁飛

畧約當門石徑斜
一片斜陽萬點鴉

江村

極目江天一望賒寒煙漠漠日西斜十分秋色無人管
半屬蘆花半蓼花

述懷

故鄉迢遞幾時還目斷長江杳渺間一雁飛邊天萬里
白雲多處是青山

閨情效香奩體

金鴨煙銷一字香滿懷春恨強梳妝看花又怕東風惡
偷隔紗窗看海棠

嬾向妝臺對鏡鸞羅衣怯薄正春寒黃金絡索珊瑚墜
獨立春風看牡丹

立春江邨即事

江邨暝色漸淒迷
數點殘鴉雜雁飛
雁宿蘆花鴉宿樹
各分一半夕陽歸

金湖舟次九山

水雲盡處列奇峰
螺髻參差杳靄中
江岸維舟看不了
煙嵐分碧入疎篷

好辭尹廷高

江鄉夜興

極浦霜清雁打圍
漁燈明滅水煙微
天寒想是鱸魚少
犬吠空江船夜歸

宮怨

綠衣無分惹天香
滴碎春愁玉漏長
日上海棠眠未醒
夢隨蝴蝶出宮牆

翁村思歸

一年歸計久蹉跎
落盡梨花春不多
昨夜翠微深處宿
月明無奈子規何

秋夜旅懷

夢繞家山舊菊叢
芭蕉葉葉又秋風
閒愁一夜深如海
只在空堦雨滴中

北關買舟

北關門外柳青青
閒寄江南第一程
別酒未闌山鳥唱
短篷撐夢過臨平

揚州后土祠瓊花

無雙亭下萬人看
欲覓殘英一片難
夜靜月明猿鶴唳
誤翻玉雪墮闌干

燕山寒中

地穴玲瓏石炭紅
土牀蘆簟覺春融
一窗明月江南夢
恍在重簾暖閣中

楓塘別業

白雲缺處露簷牙
雞犬相聞僅數家
幽鳥不啼林寂寂
滿山黃霧落松花

臘月海棠

尤物真能奪化工
臘前偷洩數枝紅
霜花不上臙脂面

強飾春妍嫁北風

劉邊

玉女峰

不作巫陽雲雨羞
風鬟霧鬢亂蕭颼
行人莫問當年事
獨立寒潭空幾秋

金履祥

朝真洞

洞府高深對月開
長疑底裏閔龍雷
天窗不照人間世
限盡遊人自此回

李簡

龍紋石

徐選元言 卷之二 變元圃
林邊大石碧璘珣應使遊人駐目頻幾度雨餘苔蘚合
翠紋高蹙似龍鱗

登封臺

絕頂登封駐此臺諸侯玉帛走如雷珠簾乍捲紅雲擁
清蹕聲中翠輦來

高老橋

石橋流水碧泠泠多少遊人坐此聽好看春風二月雨
桃花新浪滿沙汀

變元圃

寓楊梅洲書舍

枯桑敗葉集寒鴉籬落芙蓉曉見花有客歸來新作主

釣船灣處是生涯

傅定保

翠光亭次韻

墨妙銷沈萬丈光人間流落句文香青山不管興亡事
暖翠浮煙竟日長

張夢應

題温日觀墨葡萄圖

濃淡累累半幅披却疑月架影參差憑君問取乘槎使
還似宛西舊折枝

甘泳

下豫州

御選元詩 卷三 楊學文 吳澄
壯懷忍共白雲閒孤負僧房屋半間賣却窮愁三萬斛
載將明月入西山

楊學文

月夜

明蟾破雨欲流冰一碧涵空萬籟沈和夢起來猶是蝶
滿襟花氣露痕深

吳澄

跋牧樵子蒲萄

芸香樓上汗成珠起趁清風為掃除見此西涼甘露乳
冷然齒頰出寒酥

寄題無波亭

長江遠壑幾颺迴雪屋銀山巨浪摧最喜此中澄一鏡
微風不動月常來

題皮如心行囊中畫竹圖

疇昔江鄉識此君清風凜凜動霜筠被誰點染移將去
也受京華半面塵

題和靖觀梅圖

一枝春信到孤山冰雪肌膚不覺寒月下水邊看未足
折來更向手中看

姚燧

賞花

出門京國事無涯虛擲東風五物華却謝病歸催不起

故園今見碧桃花

李木魯翀

題公益荅孫魯齋帖

丞相裁詩荅布衣殷勤辭翰總珠璣秋風吹落蒼松樹
二百年來此道非

盧摯

遊茅山

馬上微風散薄陰玉笙吹客過華林山中宰相杳何許
日暮碧峰雞犬音
竹杪飛亭枕石泉松壇香霧散茶煙烏聲記得夜來雨
鹿夢驚回別有天

題鄒尊師松鶴圖

翥粉昂丹筆有神道人無夢到雞羣何時醉拊蒼髯客
喚起茅山萬里雲

歲旦後四日留別宗壇師松溪許君鄒君心遠
碧溪風日隔人間催得梅花鏡裏看莫為輶車太幽獨
剩分香玉照春寒

山頭羽客曉相攜踏破蒼雲北斗梯偶向茅君巖畔宿
卻隨猿鶴過松溪

送趙左丞之湖廣

十年關隴得春偏戶有城南尺五天昨夜台躔照吳楚
夢中黃雀亦欣然

江空歲晚不堪愁
鸚鵡洲寒鬢欲秋
留得梅花莫開盡
為公吹玉過南州

李孟

舟中作

石激灘聲纜釣船
夜寒人對白鷗眠
江風吹盡浮雲片
南北東西總是天

陳孚

湖上感舊

昔日珠樓擁翠鈿
女牆猶在草芊芊
東風第六橋邊柳
不見黃鸝見杜鵑

嘉興

簫鼓聲中十萬家
垂楊淺映綠窗紗
象梳兩兩蟬鬢女
笑擁紅嬌買藕花

出順承門

又騎官馬過中原
袖有芝泥御墨痕
嶺海孤臣天咫尺
五雲回首是都門

涿州

乾坤萬里一征驂
馬上彎弓膽氣酣
回首太行青未了
不知身在涿州南

磁州

漳水東流繞碧灣
風蒲獵獵夕陽間
帽簷不奈黃塵滿
賴有磁州數點山

千載金湯擁上流只今惟有荻花秋江南客子笑無語
閒看黃河繞汴州

不賦良盤石山南

懸崖千仞鐵崔巍勢似飛虬卷海來我見只疑山欲躍
馬蹄不敢蹴青苔

五雲回自永福縣過八十里山

下山如井上如梯亂石嵯岬割馬蹄正是行人行不得
鷓鴣更在隔林啼

笑難吟過牂牁江

青草風吹毒霧腥交州何在溟溟牂牁已恨天涯遠

又過牂牁二十程

思明州

風吹蠻雨滴芭蕉杵臼敲殘夜寂寥習得孤燈牀榻畔
思明州裏過元宵

手捧檳榔染蛤灰峒中婦女趁墟來蓬頭赤脚無鉛粉
只有風吹錦帶開

鹿酒香濃犬彘肥黃茅岡上紙錢飛一聲鼓絕長鎬立
又是蠻巫祭鬼歸

毒蟲含弩滿汀沙荒草深眠十丈蛇遙望天邊紅似火
瘴雲飛落木棉花

刺竹叢叢苦筍生山禽無數不知名元宵已似春深後

龍眼花開蛤蚧鳴

至永州

萬里歸來一葉舟
淡煙疎雨滿汀洲
夢魂怪得清如許
身在瀟湘第一州

迴衡山縣望南岳
呈御史完顏正夫
修撰龐或

簡

雨洗松陰綠未乾
今朝山下倚闌干
一天露重月華濕
七十二峰生翠寒

回雁峰前一棹孤
平波如鏡漫菰蒲
楚天日落碧雲合
山北山南聞鷓鴣

承旨野莊董公殊
勲清節孚聞之縉
紳紀以八

詩 錄三首

鐵馬長驅棧路高
捷旗飛渡大江濤
漢南煙柳蓬婆雪

猶識團花舊戰袍

扈從破大理雲南已未
飛渡為先鋒首奏捷功

不負朝廷七十年
樓臺無地榻蕭然
清名當與溫公並
只欠河南二頃田

萬卷青燈味道腴
苦心欲探魯鄒餘
朝回立馬天衢上

又典春衣買異書

彈琴峽

月作金徽風作絃
清聲豈待指中傳
伯牙別有高山調
寫在疎松亂石邊

赤城驛

御選元言 卷三
一溪流水繞千峰宛與天台景物同
魂夢不知家萬里
却疑只在赤城中

明安驛道中

野鵲山頭野草黃
野狐嶺上月茫茫
五更但覺天風冷
帳頂青氊一寸霜
風吹灤水湧如淮
十萬雕弓飲馬來
長嘯一聲鞭影動
金鞍飛過李陵臺

馮子振

桑乾河

幾年朔客度桑乾
野水潺潺滴瀝寒
回首燕南煙雨外
西風沙雁報平安

高克恭

過信州

二千里地佳山水
無數海棠官道傍
風送落紅攬馬過
春風更比路人忙

過弋陽

雷聲驅雨過山西
山腹雲根似削齊
日暮牧兒歸不得
料應白水漲前溪

滿目雲山樓

溪頭白鷺來相安
溪上紅桃雨打殘
滿目雲山為誰好
一川晴色上樓看

題道院

御選元詩 卷六
草色琅玕逼兩楹早陰才過午陰清斜陽又送西軒影
一枕移牀待月生

夜山圖

萬松嶺畔中秋夜況是樓居最上方一片江山果奇絕
却看明月似尋常

鮮于樞

淨慧寺

晚雨纔收日已西石梁沙路淨無泥清泉瀉瀉千峰迴
綠柳陰陰一鳥啼

僧巨然畫

秋鱸春鰈足杯羹萬頃煙波兩櫂橫就使直鈞隨分曲

不將浮世釣浮名

王大令保母帖

撞破煙樓固未然唐摹晉刻絕相懸莫將定武城中石
輕比黃閔墓下磚

姜侯才氣亦人豪辨折區區漫爾勞不向驅黃求駟駿
書家自有九方臯

周馳

雜興

聊攝城邊樹色秋往來長此繫扁舟不是故鄉無舊業
長邀明月醉高樓

楊樹青青麥吐芽壺觴來就野人家可憐廢井荒畦畔

狼籍東風一徑花
懷郭安道

江南江北路茫茫
明月高樓各異鄉
旅雁叫雲天似水
故人今夜泊瀟湘

和郭安道治書韻

西風吹起白蘋波
半夜扁舟掠岸過
不向長橋酤一醉
滿天明月奈秋何
君醉淋漓我浩歌
古人為恨復如何
秋來幾日渾無賴
已有新霜著芰荷
江間小艇數能乘
活計今如船子僧
近喜老妻能斫鱠
欲令稚子學扳罾

久客思歸歸未能
題詩附與遠遊僧
吳松江上鱸魚美
何處人家不下罾

張伯淳

為范君澤賦梅屋

窈谷周遭萬玉妃
當時茅舍映疎籬
祇今便作槐堂看
不問南枝與北枝

寄蔡復齋

美人秋水隔丰標
老樹陰森鎖畫橋
幾度經過須樣擢
不緣茅店酒旗招
夜雨西窗話歲寒
雲萍自昔聚時難
殷勤不在同衾處
長作西窗夜雨看

楊柳村

千絲萬縷拂章臺
陌上行人幾去來
何事結根荒寂處
東風青眼為誰開

陳思濟

移官淮東別杭州

湖上雲煙百態新
湖邊幽趣屬閒身
春風揚子江頭路
白首行人又問津

發南康赴江州

繡斧重持白髮翁
路人猶說宦情濃
一帆又下潯陽去
羨殺雲間五老峰

王泰亨

七星臺

雲低天闊七星臺
鴻雁遠銜霜信來
汾水晉山今古夢
夕陽無語重徘徊

黃棠

天池芰荷

荷芰紛紛綠漲浮
天池風景勝瀛洲
於今萬仞青山頂
分得銀河一派流

湯炳龍

西湖雜詠

馬塍雞唱曙初回
幾處嚴關次第開
多少賣花人已到
賸將春色入城來

馬昫

大明寺

喬木千章擁大明南風細灑葛衣清鬢絲禪榻茶香裏
靜聽黃鸝求友聲

張謙

高尚書夜山圖

萬籟無聲夜氣清江山一片月華明倚樓誰在高寒處
一笑披圖白髮生

張樞

戲題趙子固水仙圖

翠袖冰姿隔暮雲凌波微步襪生塵江空歲晚情無奈

笑把明璫解贈人

姚雲

碧山

彭祖嶺頭春草生逍遙洞口暮煙橫分明半幅著色畫
何許黃鸝聞一聲

呂起猷

詠雪限藤滕二字

天上九龍施法水人間二鼠齧枯藤鶯鶯聲亂功收蔡
蝴蝶飛來妙過滕

繆鑑

詠鶴

印選元言

卷三

姚雲

呂起猷

繆鑑

安熙

三

御選元言 卷六
青山修竹矮籬笆彷彿林泉隱者家
酷愛綠窗風日美
鶴梳輕毳亂楊花

折柳期春春便歸叮嚀好與護柴扉
東風怪我歸鞍晚
調撥楊花到處飛

熙熙

故縣道中

塵事年來亦屢更此身與世澹無情
敝裘羸馬嘉陽道
只有雲山管送迎

杏花始開連日大風不獲一賞
晨起攜筇往觀
之歸而小酌得三絕句 錄一首

生紅和露滴臙脂又到芳春寂寞時
便擬提壺花下醉
却愁羞殺背陰枝

于石

雜興

采藥歸來竹徑涼
滿身草露濕衣香
怕驚幽鳥穿林去
不埽松花卧石牀

兜率寺

詩僧貫休道場也

錢唐一劒倚霜寒
萬木千山蜀道難
餅鉢生涯何處在
秋風松子落詩壇

淨居院遇雪

夢回寒月吐層崖
湯響松風聽煮茶
倚樹恐驚殘雪墮

起來不敢嗅梅花

次韻趙羽翁秋江雜興

雁落蘆花洲外洲半川斜日獨凭樓
笛聲何處雁驚起
點破清江一片秋

旅中遣懷

片雲相望浙東西回首家山路欲迷
昨夜桐江江上夢
倒隨流水上雙谿

小三洞

予所居有小三洞金華洞天之附庸也各賦一絕

四山迴合響幽泉古木蒼藤路屈盤
一局殘棋雙鶴去
石屏空倚白雲寒

上洞舊名白雲

洞門相對是吾家朝看煙雲暮看霞
鐵笛一聲山石裂

老松驚落半巖花

中洞

斷崖怒湧四時雪虛僻寒凝六月霜
倚樹老僧閒洗鉢

碧桃花落澗泉香

下洞東萊呂公名以湧雪

旅夜

擁爐兀兀坐成睡夢到家山人不知
半夜酒醒還是客
一庭黃葉雨來時

何失

雨中睡起

閉門連日雨霏霏一醉誰憂生事微
睡起不知風色暮
北窗花氣濕人衣

燕都雜題

御選元言

卷六

于石

何失

蕭國寶

五

御選元詩 卷之九
畫屏誰畫一風帆阻隔千山與萬巖不護樓頭些子雨
使人春盡怯春衫

一夜春陰徹曉寒玉山無奈酒杯乾青娥知有愁多少
狼籍妝奩嬾對看

花市東邊柳市西矮堂一笑百金揮如今蹤跡無尋處
谷雨綿山燕子飛

蕭國寶
題畫

半山蒼靄鎖招提托宿僧寮路欲迷惟有曉鐘遮不斷
數聲吹落小橋西

趙孟頫

清勝軒絕句

小草幽香動碧池暖風晴日長新萸南窗晝倚綠陰靜
聽盡行人過馬蹄

次韻剛父即事

玉樹彫傷衆草黃夜蟲時語怨流光美人望望隔秋水
不寄相思書一行
淒涼鼓角北風傳嘈雜琵琶思遠天白雪有誰知幼眇
翠娥空自惜聯娟
搖落山川樹影稀隴雲時逐雁南飛苦無綠酒酬佳節
猶有黃花媚夕暉

戲題僧惟堯墨梅

蕭灑孤山半樹春素衣誰遣化緇塵何如澹月微雲夜
照影西湖自寫真

蘇軾題范蠡五湖杜陵浣花二首苦無餘韻

功名自古是危機誰似先生早拂衣好向五湖尋一舸
霜黃木葉雁初飛

春色醺人苦不禁寒驢馱醉晚駸駸江花江草詩千首
老盡平生用世心

梅花

蕭灑江梅似玉人倚風無語澹生春曲中桃葉原非侶
夢裏梨花恐未真

送王子慶詔檄浙東收郡縣圖籍

木落江南天地秋西風吹子過東州試開圖籍尋佳處
便命舟車作勝遊

懷德清別業

陽林堂下百株梅傲雪凌寒次第開枝上山禽曉啁哳
定應喚我早歸來

部中暮歸寄周公謹

日暮空街生白煙歸來羸馬不勝鞭明朝又逐雞聲起
孤負日高花影眠

絕句

春寒惻惻掩重門金鴨香殘火尚溫燕子不來花又落
一庭風雨自黃昏

御選元詩 卷三
一或風都南張氏園寓居

尺五城南跡似幽鄉心空折大刀頭杏花飛盡臙脂雪
日日東風未肯休

和黃景杜雪中即事

君說江南苦未歸香橙新酒蟹螯肥何當與子扁舟去
共挽清溪浣客衣
當年臨水照春衫浮玉山前水似藍歸計未成羈思惡
為君飛夢到城南

東城

野店桃花紅粉姿陌頭楊柳綠煙絲不因送客東城去
過却春光總不知

湖上暮歸
春陰柳絮不能飛雨足蒲芽綠更肥政恐前呼驚白鷺
獨騎款段繞湖歸

即事

湘簾疎織浪紋稀白苧新裁暑氣微庭院日長賓客退
繞池芳草燕交飛
古墨輕磨滿几香硯池新浴照人光北窗時有涼風至
閒寫黃庭一兩章

題孫登長嘯圖

在澗幽人樂考槃南山白石夜漫漫空林無風萬籟寂
長嘯一聲山月寒

御選元詩 卷三 趙孟頫

身帶一詠史
酒酣斫劍氣如雲
屠狗吹簫盡策勲
漢室功臣誰第一
黃金合鑄紀將軍

閻寫黃金宮中口號

日照黃金寶殿開
雕闌玉砌擁層臺
一時侍衛回身立
天步將臨玉斧來

偶成

竹林深處小亭開
白鶴徐行啄紫苔
羽扇不搖紗帽側
晚涼青鳥忽飛來

即事

庭槐風靜綠陰多
睡起茶餘日影過
自笑老來無復夢

閒看行蟻上南柯

趙孟頫

題高尚書夜山圖

絕愛樓居卧看山
照人秋月入樓寒
祇今此景那能得
時展新圖對月看

鄧文原

題陶淵明像

詩中甲子春秋筆
籬下黃花雨露枝
便向斜川頻載酒
風光不似義熙時

松雪墨梅

憶昔衝寒踏雪時
百花零落願開遲
如今收拾橫書卷

一任無情塞管吹

周曾秋塘圖卷

慘澹枯荷折葦間
夫容秋水轉碕灣
鳴鴻飛度江南北
却羨溪禽滿意閒

題高尚書秋山暮靄圖

傍溪草舍隔林中
望際雲山翠幾重
長憶雨餘閒信馬
輕鞭遙指兩三峰

閻立本秋嶺歸雲圖

貞觀從知畫有仙
能將萬里尺圖間
白雲掩映楓林好
遮却溪南無數山

盤紆逕路却何之
中有居人未卜誰
百丈飛泉雲外落

一林霜葉九秋時

題危太樸所藏滎陽鄭虔畫秋巒橫靄圖

金風瑟瑟入空山
村落人家葉盡斑
羨殺個中奇絕處
一天煙靄有無間

鄭君胸次有江山
應識區區只一斑
山色空濛斜日裏
鬱林遙指碧雲間

趙子昂仿顧愷之畫

溪邊春樹綠成羣
重疊青山翠影分
客子何來忘歸去
歌聲遙落水中聞

袁桷

童時侍先人泊京口
旅樓一月正對江山樓繁

麗特甚江津流民散處不可悉數今皆不復有
追憶舊事因成絕句十首 錄八首

碧瓦參差第一樓風旗獵獵喚行舟兵廚有酒真堪飲
不學弓刀也白頭

燈火闌珊月色低少年乘醉馬東西樓頭畫角聲悲壯
又聽歌聲促曉雞

朱門高插相風旗千里船行總得知稻米流脂江上去
健軍何處是男兒

日日樓頭算酒錢我冠太守號籌邊鳴騶傳入丹陽館
為是行都過客船

淮馬低如果下騶春風小隊打紅毬日斜臺上人爭看

銀盃分明第一籌

明月曾隨多景樓幅巾長袖是清流金山勢元相望
不掩諸公富貴羞

研山園下將軍宅脫却兜鍪強學儒聞說高堂擁紅粉
醉翻筆陣墨模糊

白雲一片愁千疊此地重來百不如空憶當年覓梨棗
小樓燈火了殘書

覽社湖

覽社湖中新水清風牽荇帶引帆行靈妃夜度霓裳冷
輕折菱花翫月明

舟中得功遠瓊花露戲成三絕

御選元言 卷之二
三
瓊花瑞露十分清客裏相看眼倍明自是江南春色好
錯教騎馬到京城

平生嗜酒不殢飲最憶停盃微醉時花下盈盈似相待
莫教春到最濃枝

繁禧觀裏花如雪留取清陰待我來應有真真花底坐
生香一曲舞三臺

送危功遠

居庸關外雪模糊簇騎分明似畫圖猶有深春後歸雁
見君曾宿洞庭湖

晚訪仲章不遇

小院春濃落照間碧篁相對乳禽還晚風陣歇遊絲盡

留得歸雲在屋山

靜芳亭

簾外羣山當畫屏白雲如水度中庭松花落徑無人掃
失却莓苔一半青

次韻馬伯庸應奉絕句

垂髫雙雙白馬郎看花不語愁晝長堂前有婦不肯守
遍看吳姬與趙娼

誰家弄玉矜少年采蓮艇子歌娟娟轉首那知顏色老
猶抹橫雲啼鏡前

向曾六月桓州住雪歇前巖散冰樹王郎馬郎太愁生
兩騎雙雙辭我去

御選元言 卷之八
三
烏靴窄窄稱宮袍雙鬢風翻見二毛聞道山中止十驛
急須乘馬釀松醪
醉林辭次韻繼學伯庸上都見寄

陰陰椽殿水雲蒼鳩鵲風微夏日長
渾似醴泉宮畔境
千官齊立從文皇

紗縠單衣珮水蒼碧牋裁詔繭絲長
日斜雙入通明殿
雲母屏前對玉皇

錢舜舉折枝菊

醉別南山十五秋雁聲深恨夕陽樓
寒香似寫歸來夢
背立西風替蝶愁

薛濤牋

蜀王宮樹雪初消銀管填青點點描
可是春山留不住
子規聲斷促歸朝
望瀛法曲紫霞觴更按伊州奉玉皇
翠竹涼深宮院密
新聲那得過宮牆

簡馬伯庸
象榻香濃翠幌春美人倦繡態橫陳
平明欲進朝天鞮
小立蘭燈熨貼頻

李陵臺

雪袞寒沙風袞灰眼穿猶上望鄉臺
隴西可是無迴雁
不寄平安一字來

不齊平戲題樺皮

褐裳新脫玉層層紅葉朱蕉謝不能擬製小冠韜短髮
意行雲水一枝藤

不立蘭翰林故事莫盛於唐宋聊述舊聞擬宮詞十首

東計香錄八首 翠舞春美人對齋齋刺平即谷並障天辯

禁鐘初動趣傳宣衣袖薰香到御前漸近宮前扶下馬
內官分引導金蓮

御筆圓封草相麻龍牋香透擁金花儀鸞敕設庭前候

賜酒方終更賜茶

制草塗鴉未敢刪內璫宣引侍龍顏已分筆格金蟾滴

更賜端溪紫研山

春帖分裁閣分多宮娥爭餽纈綃羅青絲菜餅銀盤送
幡勝新題墨旋磨

文思如泉涌墨林屏風院吏不須尋舊時內相諸孫在

猶有當年埽閣金

入院聽宣席未温賜金已向案頭存清晨上馬還家去

內出黃麻付閣門

天孫夜度玉潢清內托銀盤涌化生秋思未多團扇在

擬題宮怨月分明

盤雕暈錦是冬衣鴿炭初生酒力微聞道邊臣風雪苦

口宣臘藥布皇威

戲題開平四集

御選元言 卷三
開平四集詩百首不是故歌行路難竹簟暑風茅屋下
他年擬作畫圖看

滕斌

夜雨

未到黃昏緊閉門怒雷挾雨過前村老夫熟睡渾不覺
風捲濤聲入夢魂

半生

半生獨受春風力萬感相隨秋夜長隱几無眠聽落葉
松梢搖雨濺山房

吟人

吟人瘦倚曲闌干酒醒香銷午夢殘燕子不來春社去

一簾疎雨杏花寒

小雲石海涯

秋鳴無數醉秦娥却把輕風惹扇羅明月碧澄天似水

此山雲氣動纖波

紅旭如鉛海上來蒼蒼煙霧小蓬萊東風昨夜醇如酒
吹得桃花滿樹開

一簾明月倚闌干宇宙尤宜就夜看飛上仙查河漢近
手招沆瀣海銅盤

功成不用服丹砂笑指雲霞總是家清曉山中三尺雪
道人神氣是梅花

盧山太平宮

山上清風山下塵
碧沙流水淺如春
不知松外誰敲月
驚動南華夢裏人

一簾即題岳陽樓
宇宙大宜掠空香
乘土山查阿黨並

天遠岳陽樓影孤
下窺夢澤渺平蕪
城南老樹依然在

試問仙童重到無
蒼蒼黓霧小葦萊
東風和弄朝吹西

北山雲宮詞

風外丁當響珮環
玉人依約凭湖山
侍兒報有君王命
月下輕輕整翠鬟

小雲宮詞

御選元詩卷第六十八

題廬山太平宮

山上清風山下塵
碧沙流水淺如春
不知松外誰敲月
驚動南華夢裏人

題岳陽樓

天遠岳陽樓影孤
下窺夢澤渺平蕪
城南老樹依然在
試問仙童重到無

廬山宮詞

風外玉宮舉佩環
玉人依約凭湖山
侍兒報有君王命
月下輕輕整翠鬟

御選元詩卷第六十八

